

寧波簡

安志

序

寧波郡志今所流布者爲清雍正間郡守曹秉仁纂本
萬九沙序之曰寧郡之有志也始於宋乾道州將張津
之四明圖經厥後吳正肅潛撰慶元正續志胡判府渠
因之爲寶慶志元袁學士桷因之爲延祐志王總管元
恭因之爲至正續志至明而黃僉事潤玉之簡要志楊
博士實之成化志張司馬時徹之嘉靖志後先相望顧
諸書歲久失傳云而郡守色超後序云志之傳亦傳乎
自然也寧郡唐時洗心齊澣字洗心定州人厥功偉矣志不詳載

天寶閒罍脰大湧而七鄉不安其利吳人陸南金築洩
啓閉後大曆令儲仙舟修治圖經缺之渠之寶慶志缺
其半淳祐時東錢迴沙建於陳長樂而濬築則創於嘉
熙四年余侯天錫袁學士延祐志缺之楓軒藏集唐鄭
令柳惠古建堇山書屋於郡西志言學校之興始於杜
先生醇考列志俱缺之洪武寧國張琪造養院於郡之
東畔維老哺幼而東沙嘉則敘平寇崇學而外其他不
傳焉是東沙以前之郡志雖不多見而當時補闕拾遺
勤搜如此蓋九沙主其席諸志咸備可知徐柳泉先生

責九沙僅僅以嘉靖志作藍本漫爲粉榆勒成掌故紕

繆百出

見六志校勘記五

則由於取舍之未審耳非未見各志

也今宋元六志旣得徐氏之刊行晦者復顯而明代三志曰黃南山之簡要志楊博士之成化志張東沙之嘉靖志尙無人刊布之者誠憾事也南山之簡要志戴南江以爲取楊實所修者刪之楊次莊未見其書而循戴說壽鏞嘗考南山傳南山成化十三年卒年八十九楊書成於成化四年南山八十歲矣修志之日其不肯當是任者年限之也已修成書而徒爲之刪節因名簡要

志似無此理今取吳興嘉業堂劉氏所藏楊志勘之蓋
簡要志先成化志而作者也楊志多本於此故九沙序
中簡要志先成化志而附載前朝纂修姓氏黃僉事先
楊貢士尤爲可證至如賦役表南山所錄以天順六年
止中間宣德七年正統七年景泰三年三表載在成化
志果就楊志刪節斷無不錄此三表之理其錄及嘉靖
三十一年相去九十載則其孫溥所續無疑壽鏞因條
爲十證以辨戴楊之說至藝文志爲未成之書其孫不
善續之而簡略竟至如此南山當深痛矣不然人物一

282
108
代歌
志旣已簡括詳審何至藝文寥寥乃爾耶此本藏諸馮
氏伏跗室聞蕊泉所謂近得其手錄本者其卽斯稿歟
未可知也然旣曰手錄非取楊志而刪之益可知矣綜
厥全書體例簡潔開卷瞭然孟顓先爲細校壽鏞更加
勘比爰付諸梓若夫東沙嘉靖志伏跗室有之今借鈔
於蘇州許博明家更借楊博士之成化志於吳興劉氏
錄副焉明代郡志於是獲全他日並刊之則孰得孰失
覽之可瞭然矣民國二十三年九月後學張壽鏞序

鄞縣志本傳

黃潤玉字孟清曾祖長卿仕元蟹浦巡檢

楊守陳撰墓碣

依祿

講學克遂於文

南山稿自序

父良篤於親祖母陶性畏雷良

輒抱持得不恐卒年八十一

黃潤玉撰城南阡表

潤玉五歲時侍

母疾夜不就寢六歲就塾坐立屹然不與羣兒狎書過

目輒成誦十歲行道見遺金不拾途人悉嗟異年十二

聞郡守王璉舉鄉飲酒禮於郡庠往觀之默識其儀歸

書於冊塾師奇之年十三永樂改元命江南富民實北

京其父當行詣官請代官少之對曰父去日益老兒去

日益長官異而從之抵京受廕北城外十里所沙漠寒

沍茫無人煙與同學築室成比閭傾貲給徭賦墾圃鬻

蔬以爲生人不堪其劬瘁潤玉安之稍隙輒肆力於學

以已心爲嚴師而靳造於聖賢擇然後語動無所苟有

富翁僅一女招潤玉寓其家而同賈竟辭或問之曰瓜

田不納履也里中子弟多從之學

墓碣

十八年舉順天鄉

試授建昌府學訓導父喪除改官南昌

明史本傳

蔚有聲績

墓碣

宣德中

本傳

用薦拜行在交趾道監察御史

墓碣

奏彈權

貴無所顧

甬上耆舊傳

正統元年

海涵萬象錄

出按湖廣斥藩臬

郡縣不職者至百二十人

○案分省人物考誤百十人

威望赫然

墓碣

會詔推舉提學官以楊士奇薦授廣西按察司僉事提

督學政

本傳

自歲試外身為講解規諸生以行誼不如約

者廉得其實小則記過大則治以法有學行可觀者延

入歡論移時與子弟不殊

廣西通志

士風丕變時寇起軍興

都指揮吳某妄掠子女萬餘口劾而歸之副使李立入

民死罪數百人亦為辨出之萬口稱快南丹衛在萬山

中瘴甚戍卒歲死或幾半為奏徙於夷曠地丁母憂改

湖廣僉事布憲益嚴巡撫都御史李實張甚藩臬皆折

節下之潤玉獨無加禮而連黜墨官二人又皆其鄉戚

也實憤奏潤玉不諳刑律墓碣景泰三年海涵萬象錄左遷含

山知縣墓碣連值旱澇海涵萬象錄鑿渠塘築隄堰躬課蓄洩

江南通志教民種大麥官貸其種三升一畝收麥石餘乃倍

所貸收貯社倉復貸之食海涵萬象錄又浚麻湖以復逋租

閱廬場革其積弊均徭平訟民感說之請老致仕墓碣潤

玉好學自少至老未嘗懈與客言惟講道論文不少及

時事耆舊傳閒居簡出日惟玩味經義平生著述甚富墓碣

四明之學明初如桂彥良烏斯道向朴皆宗慈湖潤玉

始為朱學

全祖望南
山書院記

篤信傳註

全祖望題楊守
陳諸經私鈔

築南山

書院以開講

書院記

嘗曰學聖人一分便是一分好人又

曰明理務在讀書制行要貴謹獨

明儒
學案

性剛介寡交遊

其所稱許者不過李時勉薛瑄數人

墓碣

故操行亦相似

學案成化十三年卒年八十九

墓碣

學者稱為南山先生

本傳

子性永新訓導

墓碣

隆別有傳孫溥字存吾幼傳家學以

貢授蕪湖訓導

嘉靖志

纂續潤玉所著書

耆舊傳

曾孫異字

啓亨弘治十五年進士授南京刑部主事

嘉靖志

正德閒

岳州府志

陞岳州知府至則清宿弊革姦頑門無私謁苞苴

不行

嘉靖志

廉幹有爲振興學校

岳州志

以質直忤當路懇

疏致仕不俟報卽行父老爲立石以識去思云

嘉靖志

南山箸作考

經

讀周禮

經義考作周禮題詞 壽鏞案南山家傳集卷三十題辭門有讀周禮題詞竹垞未見其書刪

讀字以題詞名誤也

題詞曰周禮一書誠周公經邦大典其閒備著王朝

六卿所屬職掌初無侯國爵祿之辭故天下莫傳而

孔孟之書無載也李斯亂紀蕭相憎經至文帝時得

魏侯斯樂人竇公獻宗伯大司樂之章是戰國瞽矇

嘗已習誦其說且其樂與佩皆去商聲蓋周以木德

王而荀子所謂大師審詩商是也夫豈王莽時書漢人安得補之考工記及去商聲乎宋興三禮立科取士程子曰有關雉麟趾之化然後可以行周官之法度至哉斯言或者謂其官冗役繁殊不知其綱舉目張而有兼官不備徭役有時之制節哉然而官府一體兵農一途王道昭明無偏無黨秦漢以來其法何如柰王介甫棄經任傳後學莫稽遂使周公之制泯沒無聞不深可痛乎潤玉不揆卑陋茲舉官職府藏之相維禮樂政刑之參屬與凡註釋未定者標於經

文之題庶覽者易得於心耳究知周曆綿遠之本在是而不可不講也於是乎書

禮儀戴記附註五卷

明史藝文志

浙志

經義考天

一閣書曰作儀禮戴記附註四卷外記一卷壽鏞案南山集卷三十一有儀禮戴記附註序卷四十六又有擬呈儀禮戴記附註書簡蓋欲置之學宮用以取士也

自序曰天下之道莫大於五典聖人之教莫先於五禮蓋五禮者卽五典之儀章也昔者聖人惇典必在庸禮而庸禮者正所以惇夫典也故在父子有父子之禮在君臣有君臣之禮至於夫婦長幼朋友之際

莫不各有其禮焉若中庸所謂發育萬物峻極于天者此聖人經綸大經而禮之原於大用全體者然也所謂禮儀三百威儀三千者此聖人酬酢萬變而禮之散在日用萬殊者然也夫豈外人倫離日用而有所謂禮哉唐虞而降殷因於夏周因於殷凡綱常之禮原於大經者固百王所不易而其儀文度數之散在萬殊者郁郁乎周禮之盛雖後聖有作不過隨時損之益之而已周衰諸侯僭竊禮籍滅亡時則有孔子之聖歷聘弗售歸老於洙泗之上考定禮經曰與